



## **Universitätsbibliothek Paderborn**

**Carminvm Iacobi Albani Ghibbesii, Poetae Lavreati  
Caesarei, Pars Lyrica**

**Gibbes, James Alban**

**Romae, 1668**

Ioanni Pavlo Olivae, Praep. Gener. Soc. Iesv. Hieronymi Boncompagni,  
abnepotis Gregorij XIII. P.M. qui sacræ & Sodalitatis fuerat secundus  
parens, ascensum ad Ro: Purpuram feliciter optat vertere. ...

**urn:nbn:de:hbz:466:1-13378**

Periura Phthium non Paridis manus

Herœa fixit ; te Thetidos puer,

Te sensit andax, tincta quamuis

Membra Stygis tueretur vndâ .

Hector, fuisti : tequè sub horridas

Orci cauernas hæc dedit aspero

Lethalis iætu cuspis, atros

Nare iubens Acherontis amnes .

Huic & secundis turgida flatibus

Pellæa virtus cessit & ebrium

Iouis superbâ sorte gnatum

Hæc tenui sepeluit vrñâ .

I nunc, & orbis, turgide, limes

Votis minores, & breue gloriæ

Iacta theatrum ; duplicitisq;

Exiguos Phaëthonis axes .

### IOANNI PAVLO OLIVAE,

PRAEP. GENER. SOC. IESV.

*Hieronymi Boncompagni, abnepotis Gregorij XIII.*

*P. M. qui sacræ Sodalitatis fuerat secundus parens,  
ascensum ad Ro: Purpuram feliciter optat vertere.*

### O D E XVIII.

**M**etas honoris fas erat vltimas

Temet secutum dicere ; sed lyram

Pimplea, nè virtus ruberet ,

Continuit . Magis illa laudes

Externa quærit, quām proprio malè

Gaudere cantu : Dulichij æmulæ

Herōis olim, præteracti

Sicanias sine fraude nymphas .

Claram ergò amicæ progeniem domûs

Fer grata OLIVAE, grata Sodalibus ,

Ad astra, Clio ; guttur alnum

Pierio somitata plectro ,

Ma-

Magnum decoro dic patrum gradu,  
 Factis, ut alto sanguine, proximum  
 Sequi nepotem: rector alter  
 Orbis erat, regit alter urbem,  
 Verum Quirinus cui vice Felsinæ  
 Nomen dedisset, fertilis ingenî,  
 Morumque lectorum magistræ, ac  
 Hesperijs sapientum Athenis.  
 Longa illa sacri munera Gregorii  
 Omitte: in vno fistito pignore;  
 Ac plaudere diuino parenti,  
 Palladium statuisse Romæ  
 Exinde captum: cui, vigiles vti  
 Seruabat ignes virgineus chorus,  
 E flore Loyolæ dicauit  
 Mercuriale genus, ministros;  
 Centum tenerent qui decus artium.  
 Huc struxit ædes regificâ manu  
 Cautus superbas, ut rediret  
 Socratici facies Lycei.  
 Iamquæ hic auitæ dignus adorare  
 Succrescit hæres. Quam bene murice  
 Ardet coloratus recenti!  
 Quantus init numerum Senatus!  
 Tu verò faustâ sorte beatior  
 Lætare, doctæ maxime Palladis  
 OLIVA, custos: auspicio  
 Nomina sic coiêre signo.

## AD S. THOMAM DE VILLANOVA,

*Archiepiscopum Valentini, cognomento Eleemosynarium.*

## ODE XIX.

O Valentinâ speciose mirâ,  
 Inter at cœli proceres videri

E 4 Pul-